


積古齋鐘鼎彝器款識一





積古齋鐘鼎彝器款識

(一)

阮元編

積古齋鐘鼎彝器款識序

鐘鼎彝器三代之所寶貴故分器贈器皆以是爲先直與土地並重且或以爲重賂其造作之精文字之古非後人所能及古器金錫之至精者其氣不外洩無青綠其有青綠者金之不精外洩于土者也古器銘字多者或至數百字縱不抵尚書百篇而有過于汲冢者遠甚漢代以得鼎爲祥因之改元因之立祀六朝唐人不多見學者不甚重之迨北宋後古器始多出復爲世重勒爲成書南宋元明以來流傳不少至我

朝西清古鑑美備極矣且海內好古之士學識之精能辨古器有遠過於張敞鄭眾者而古器之出于土田榛莽間者亦不可勝數余心好古文奇字每摩挲一器搨釋一銘俯仰之間輒心往于數千年前以爲此器之作此文之鑄尚在周公孔子未生

以前何論秦漢乎由簡策而卷軸其竹帛已灰燼矣此乃巋然獨存乎世人得西嶽一碑定武片紙卽珍如鴻寶何況三代法物乎世人得世綵書函麻沙木板卽藏爲祕冊何況商周文字乎友人之與余同好者則有江侍御德量朱右甫爲弼孫觀察星衍趙銀臺秉冲翁比部樹培秦太史恩復宋學博葆醇錢博土帖趙晉齋魏何夢華元錫江鄭堂藩張解元廷濟等各有藏器各有搨本余皆聚之與余所自藏自搨者集爲鐘鼎款識一書以續薛尚功之後薛尚功所輯共四百九十三器余所集器五百六十數迨過之夫槩字于板自不如鑄字于金之堅且久然自古左國史漢所言各器宋宣和殿圖無有存者矣兩宋呂大防王侁薛尚功王順伯諸書冊所收之器今亦僅有存者矣然則古器雖甚壽然至三四千年出土之後轉不能久或經兵

甕之墜壞或爲水土之沈埋或爲僮賈之毀銷不可保也而宋人圖釋各書反能流傳不絕且可家守一編然則聚一時之彝器摹勒爲書實可使一時之器永傳不朽即使吉金零落無存亦可無憾矣平湖朱氏右甫酷嗜古金文字且能辨識疑文稽考古籍國邑大夫之名有可補經傳所未備者偏笏篆籀之字有可補說文所未及者余以各搨本屬之編定審釋之甲子秋訂成十卷付之梓人竝記其始末如此

嘉慶九年歲次甲子中秋日揚州阮元序

商周銅器說上篇

形上謂道形下謂器商周二代之道存于今者有九經焉若器則罕有存者所存者銅器鐘鼎之屬耳古銅器有銘銘之文爲古人篆蹟非經文隸楷繚楮傳寫之比且其詞爲古王侯大夫賢者所爲其重與九經同之北宋後古銅器始多傳錄鐘鼎尊彝敦槃戈劍之屬古詞古文不可勝識其見稱于經傳者若湯之盤正考父孔悝之鼎其器皆不傳于今然則今之所傳者使古聖賢見之安知不載入經傳也器者所以藏禮故孔子曰唯器與名不可以假人先王之制器也齊其度量同其文字別其尊卑用之于朝覲燕饗則見天子之尊錫命之寵雖有強國不敢問鼎之輕重焉用之于祭祀飲射則見德功之美勳賞之名孝子孝孫永享其祖考而寶用之焉且天子諸侯卿大夫非有

德位保其富貴則不能制其器非有問學通其文詞則不能銘其器然則器者先王所以馴天下尊王敬祖之心教天下習禮博文之學商祚六百周祚八百道與器皆不墜也且世祿之家其富貴精力必有所用之于奢僭奇袤者家國之患也先王使用其才與力與禮與文于器之中禮明而文達位定而王尊愚慢狂暴好作亂者鮮矣故窮而在下則顏子簞瓢不爲儉貴而在上則晉絳鐘鏞不爲奢此古聖王之道亦古聖王之精意也自井田封建廢而梓人鳧氏亦失傳矣故吾謂欲觀三代以上之道與器九經之外舍鐘鼎之屬曷由觀之阮元

商周銅器說下篇

三代時鼎鐘為最重之器故有立國以鼎彝為分器者武王有

分器之篇

書序武王封諸侯班宗彝作分器

魯公有彝器之分

左定四年分魯公官司彝器分

康叔大呂分唐是也有諸侯大夫朝享而賜以重器者周王子叔姑洗皆鐘也

號公以爵

莊二十一年鄭伯之享王也王以后之鑿鑑子之號公請器王予之爵鄭伯由是惡王元案鑿鑑者后之

器也說文鑑大盆也鑿與鑿蓋皆通借故左定六年定之盤鑑釋文又作鑿易訟鑿帶釋文或作鑿可見鑿非本字鄭伯以其

為婦人之物而惡之耳杜注解為帶飾以鑑此望文生義夫以小鏡飾于鞶帶之上經傳無徵且即令如此當云鑑鞶今云鞶

鑑文義

晉侯賜子產以鼎

左昭七年晉侯賜子產莒之二方鼎

是也有以小事大

而賂以重器者齊侯賂晉以地而先以紀甗

左成二年魯公賂晉卿

以壽夢之鼎

左襄十九年公享晉六卿賂荀偃束錦加璧乘馬先吳壽夢之鼎

鄭賂晉以襄鐘

左成十年鄭子罕賂晉以齊人賂晉以宗器

左襄二十五年杜注宗器祭祀之器

襄鐘杜注鄭襄公之廟鐘

陳侯賂鄭以宗器

左襄十五年燕人賂齊以尊耳左昭七年徐人賂齊以



甲父鼎

左昭六年

鄭伯納晉以鐘鋪

左襄十一年亦見晉語

是也有以大伐

小而取爲重器者魯取郟鐘以爲公盤

左襄十二年

齊攻魯以求岑

鼎

呂氏春秋齊攻魯求岑鼎魯君載他鼎鼎以往齊侯弗信又見說苑新序

是也有爲述德儆身之

銘以爲重器者祭統述孔悝之銘叔向述讒鼎之銘

左昭三年孟僖

子述正考父鼎銘

左昭七年

史蘇述商衰之銘

晉語

是也有爲自矜之

銘以爲重器者禮至銘殺國子

左僖十五年

季武子銘得齊兵

左襄十九年

是也有鑄政令于鼎彝以爲重器者司約書約劑于宗彝

禮周

官晉鄭鑄刑書于刑鼎

左昭六年又二十九年

是也且有王綱廢墜之時

以天子之社稷而與鼎器共存亡輕重者武王遷商九鼎于洛

楚子問鼎于周

左宣三年

秦興師臨周求九鼎

戰國策

是也此周以前

之說也自漢至唐罕見古器偶得古鼎或至改元稱神瑞書之

史冊儒臣有能辨之者世驚爲奇故說文序曰郡國往往于山

川得鼎彝其銘卽前代之古文是也今略數之則有漢元鼎汾

陰得寶鼎漢書元鼎元年夏五月得鼎汾水上四年六月得寶鼎后土祠旁漢書

郊祀志宣帝時美陽得鼎獻之張敞辨之郊祀志敞釋文曰王命

鸞黼黻瑠玕尸臣拜手稽首曰敢對揚天子丕顯休命鼎小有

款識不宜薦于宗廟元按此銘乃漢書約記張敞之言非銘全

文也永平六年王雒出寶鼎漢書明帝紀永平二年六月王雒山

出寶鼎盧江太守獻之詔陳鼎于廟永元元年寶憲上仲山甫鼎寶憲傳和帝永元元年九月寶憲

曰仲山甫鼎其萬年子子孫孫永寶用元案漢吳赤烏十二年

人習隸罕識籀文此銘亦約辭非全銘之體

寶鼎出臨平湖又出鄆縣宋元嘉十三年武昌縣章山出神鼎

二十二年新陽獲古鼎有篆書四十二字泰始五年南昌獲古

鼎容斛七斗七年義陽郡鼎受一斛皆獻於朝並見符唐貞觀

二十二年遂州涪水中獲古鼎傍有銘刻開元十年獲鼎改河

中府之縣名寶鼎縣十二年后土祠獲鼎二大者容四升小者

容一升色皆青十三年萬年人獲寶鼎五獻之四鼎皆有銘

日銘

垂作尊鼎萬福無疆子孫寶用元按此銘文亦不全

二十一年眉州獻寶鼎重七百斤有

篆書天寶元年平涼獲古饒鼎獻之元和二年詔以湖南所獻

古鼎付有司重一百十二斤咸平三年乾州獻古銅鼎狀方四

足上有古文二十一字

直昭文館句中正與杜鎬詳其文曰維六月初吉史信父作饒獻斯萬年子子

孫孫承寶用以上皆見正史及會要

此自漢至唐之說也北宋以後高原古冢搜

獲甚多始不以古器爲神奇祥瑞而或以玩賞加之學者考古

釋文日益精核故考古圖列宋人收藏者河南文潞公廬江李

伯時等三十餘家士大夫家有其器人識其文閱三四千年而

道大顯矣古之器余不得而見余今所見之器安知後人之能

見否也且又安知後千百年新出之器爲今所未見者不更多

也是宜以周以前唐以前北宋以後三者分別論之阮元

商周兵器說

三代以上稱人之戰者曰卒伍軍旅不曰兵曰兵者戈戟弓矢之屬之專名也古兵矛三尋爲最長經傳中罕見用之所用者戈爲多戈之存于今者甚多以今尺橫度之不過數寸其秘長古尺六尺六寸僅與中人之身等耳鄭注考工記古矢鏃長二寸近人得古長平銅箭鏃與之合以周尺計之亦僅當今尺一寸二分強耳古劔今存者運肘度之首與肘齊末與指齊亦甚短矣先王之制兵非不能長且大也限之以制度行之以禮本之以仁故甚短小也後世務以物力相勝浸爲長鎗大稍矣浸爲火礮矣亦不得不然之勢猶車戰之變爲馬騎也古度量衡短小且輕今度量衡長大且重又何也自古利權皆自上操之官吏之征銀帛粟米也未有不求贏者數千年遞贏之至于如

此此亦不得不然之勢也阮元

積古齋鐘鼎彝器款識後敘

慨自斗科姬泐竹帛嬴燼蒼公赤篆南閣祭酒撫之素王青書  
臨淮太守傳之乃磨筆遺左史而歆移徒勞鴻都崇伏書而包  
竄又作冀其斟刺墳索黼藻義軒難矣必欲洞書名鏡神指祛  
奇詭追始初藉非欲山吐川陳彝得鼎厥道曷由我

朝龍興大文虎炳天臨朗鑑地出稊鐘

冊府丕煥編珠蓬扉不禁藏壁亦有癖深原父智儕子高集吉  
金書詮祥器字顧茆檐未窺柏寢蠡勺安測烏瀾失采翡翠之  
翎遺拔犀象之角說難盡趨覽者弗慊矣維吾師雲臺先生經  
緯馮生鑄鎔選古

宸籟鸞筵辟靡鶴從釋

天上雲雷之文辨階間球鏞之刻泊乎握尺山左樹麾淅西清

白心圭搨黃手繭種金薤於燕寢叢銅花於雕函爰命鰕愚載  
哀鱗善見慙槃叩問待鏞撞懷鉛則斗建周杓數弓則日干合  
筴紀商周以迄魏晉摹頡籀以息斯邈劖劖垂葳校勘遂施敢  
述薪傳用綴簡末夫分器名冊司尊設官經傳孔悝之文史記  
美陽之字齊犧以送女爲賸魯壺以貢王存名武王盥盤著溺  
淵之戒大禹護鼎勒昧旦之詞故書羅蒐曩制灰威莫可詳已  
至于宣和殿圖尚功石刻肴核六籍俎豆三倉先民是程後民  
是語然摭拾榛雜肆攷豕訛造作孔斲善美非盡質之大雅曰  
猶有憾蓋聞古聖之道立器生禮踐實存誠茶菽常飴必蘄三  
壽饋餽小敦欲至萬年飾錄璆不厭其華用泉貝不病其厚將  
以壽名教礪綱常鴻聲明賁文物出治理而綿遠久也夫亨醴  
神祇監薦考妣執旂立矢論譔前勞是爲大孝呼史宣綸立廷

受冊鑾珞鞞戟茂歷紀庸是爲純忠厭祭禮殤父槩作犇勳績  
錄屬正長錫彝是爲慈惠列侯朝聘贈金鑄鐘僚友饗殮異金  
銘籩是爲豈弟叔夜用醴同符孔其唯叔居晦允契商警是爲  
恭儉此皆經世之鴻寶生民之令儀雖祖龍虬殘赤符凌替典  
則失徵范模猶在自後世祖尚虛無輕蔑文字而淪沒盡矣且  
夫琥珀孕于荒麓遇芥則投珊瑚沈于環瀛舉網則獲物聚所  
好亶其然乎茲所輯者約贖彝五百餘器綜篆籀一萬餘言玉  
府崑山珠海合浦鮫綃五色鳳錦千襄洵極金滕石屋之觀寧  
止滂喜凡將之作夫推彌曠者道也闡彌精者義也舉而罔缺  
者典也久而始備者時也雷雨甲中遠協羲爰壺戈蛟蚪上承  
皇史宗周鐘之警要服何如江漢常武之篇考父鼎之款文丁  
可徵校頌歸祀之說寶敦矢夙夜識周大僕之虔尊鼎祝萬壽



知齊乙公之侈頌之佩出反入卽晉重三覲之儀習之用田受  
秭卽呂命百綏之罰他若周王徙居楚麓楚惠遷自西陽可拾  
春秋之遺共王墓稱陶陵漢宮名逸蓮勺可詳班馬之略謂非  
觀古之函牖進學之堦墀與然而俗情染墨浮說雌黃其蔽不  
一舉枚可數或膠執偏端梗守前論宗祧北海求鳳皇之尊應  
答竟陵善服匿之對一也執贗擬岑呼鼠尋璞父丁祖乙雜以  
比干之盤車攻馬同間以滕公之石二也又有引葛攀蘿削尋  
就墨甲附上甲庚測盤庚弼伯爲孝友之兄遽仲爲君子之弟  
奇觚妄會疋畢所訶三也昔在嘯堂大臨諸賢傳譌難免今稽  
東觀容齋之論定評或虛彼鑿守藏述古之心違重器不訾之  
例又無論已是編之作準六書部分挾小學奧微辨亞亞之殊  
詳割句之借釋酌酌之同論逞狂之合釋攸勒爲肇革明夜珎

爲射瑀訓同黃爲彤衡通窆夢爲室昧凡此之類咸據有聞不  
知蓋闕若夫子商簡古姬周富繁時則良之南楚雄奇東魯麗  
厚俗則囿之文詞具存鑒察斯別間有勒款叶字可絃而歌董  
彊雙聲攸休疊韻綬賓倍律大苓和樂講音均按間呂者舍是  
蔑從也又觀夫鉞鉞異制琖盞別名簠甗爲胡連古今文之判  
敦甗盛黍稷方圓說皆通罄甗則方語各分戈戟則散文互用  
金豆與瓦竹俱船兕觥非骨角所成是又辨器者所當考鏡也  
且如姬公丁亥之鼎言歲紀者祿統微散氏乙卯之盤言輿圖  
者訂鳩辨父丁角之東門無專鼎之圖室言宮室者參階甗登  
寺奠礮國名牒焉遣息師鬲氏族譜焉子申爲嘉嫺之子陳逆  
爲狃子之孫世系緒焉司工爲司空之屬司土卽土均之職官  
制羅焉邢叔廞父魯鄭臣名熊章秋人楚都君諱名字炤焉符

節並載量斤咸垂漢尺與晉尺齊衡秦權與莽權均錄金師比有度斗檢封有銘尤六籍之星源百家之鑪橐也小子愚實近古六蔽莫開吾師諮必於周五善斯集積古疏入

先皇曰俞師古政成維

帝時眷宜也蓋康虔綰綽者福之府通彖眉壽者德之符懿夫享觀式儀華陔隆養鑄詞刻漏勒篆夾鐘道著器成淵乎茂矣然猶不啻其有不寶其私喻糜之劍賸置譙山上陽之罇嘉薦祏室是以籩豆有踐金石同和也是編也成直追孔甲盤盂之書奚僅復齋鐘鼎之志而已哉

嘉慶九年龍集闕逢困敦陽月丙辰朔弟子朱爲弼敬撰

積古齋鐘鼎彝器款識目錄卷一

商器款識

商鐘

董武鐘

鹿鐘

旅鐘

商鼎

冊冊父乙鼎

立戈父癸鼎

虎父丁鼎

申鼎

成父癸鼎

兕父癸鼎

伯申鼎

秉仲鼎

穆父丁鼎

婦女鼎

父鼎

荷貝父丁鼎

立矛父辛鼎

阜禾鼎

亞守鼎

亞室父癸鼎

冊命父癸鼎

母乙鼎

戊寅父丁鼎

庚午父乙鼎

宥父辛鼎

旂鼎

畋卣鼎蓋

商尊

象形父丁尊

持勺父癸尊

立鉞尊

山形父壬尊

立戈父辛尊

父巳尊

叔父辛尊

子孫父戊尊

亞形父丁尊

西宮父甲尊

巳祖乙尊

子執弓尊

隳尊

冊父乙尊

耐父乙尊

王主父丁尊

刊宮尊

商彝

重屋父丁彝

東彝

百丁彝

亞爵父丁彝

父辛彝

子執旂彝

父丁彝

立戈父丁彝

執刀父丁彝

雙矢彝

史彝

子荷貝父乙彝

析父甲彝

主父乙彝

祖己彝

寶彝

立戟父戊彝

日庚父癸彝

雙爵母戊彝

作父辛彝

冊冊父乙彝

父癸宗彝

裘彝

雕伯癸彝

好父辛彝

立矢父戊彝

叔彝二器

商卣

冊卣

舉己卣二器

父己卣

父辛卣

父丁卣

虎父戊卣

山卣

亞卣

丁琥卣

舉父己卣

子執刀祖乙卣

咎父癸卣

丁師卣

積古齋鐘鼎彝器款識目錄卷二

商壺

蛟篆壺

鷹父己壺

余爵壺

明我壺

祖辛壺

作祖壺

商爵

亞爵

亞舟爵

犧爵

糸爵

父癸爵

父壬爵



母壬爵

舉父丁爵

辛父辛爵

子癸父爵

子父癸爵

守冊父巳爵

父癸爵

父丁爵

亞木父丁爵

子父巳爵

父辛爵

子父巳爵

子孫父癸爵

丙父辛爵

雙爵父辛爵

虜爵

子壬父辛爵

主庚爵

目父癸爵

祖巳爵

拱井父辛爵

矢父戊爵

祖癸爵

日父乙爵

唐子爵

立戈爵

子父乙爵

商飲附

商觚

立戈父癸觚

子執戈觚

手執刀觚

乃作器觚

商觶

庚觶

善父戊觶

主父巳觶

象形父乙觶

亞服觶

析父巳觶

子執刀父巳觶

父丁觶

冊冊父乙觶

八孫子觶

孫祖巳解

父辛解

子孫父巳解

父乙解

商角

象形角

象形父癸角

召夫角

子孫父庚角

父丁角

子孫角

庚申父丁角

商敦

乃作器敦

子立敦

子孫父乙敦

析孫子父乙敦

亞敦

尊敦

商甗

鬲

子商

商鬲

母乙

子持壺

婦女

父辛

商盃

雞父丁

子丁父甲

商匜

父辛

父癸

商盤

藻

子孫父癸

商戈

差勿

瑀

蚪戈

商句兵

馬文句兵

子執旂句兵

積古齋鐘鼎彝器款識目錄卷三

周器款識

周鐘

宋平公鐘

紀侯鐘

楚公罇鐘

鄭形叔綏賓鐘

楚良臣余義鐘

祿康鐘

叔丁寶林鐘

邢叔鐘

宗周鐘

虢叔大林鐘

楚公鐘

楚曾侯鐘

周公簋鐘

周公望鐘

積古齋鐘鼎彝器款識目錄卷四

周鼎

木鼎

中鼎

中旅車鼎

小鼎

腹鼎

父乙鼎

孟姬鼎

得鼎

子女鼎

包君鼎

束鼎

太祝鼎

戈扶鼎

叔夔鏤鼎

各鄰鼎

魯公鼎

亞形魯公鼎

陽鼎

乙公鼎

乙公萬壽鼎

孟申鼎

虢姜鼎

魚冶姪鼎

市師鼎

叔夜鼎

戎都鼎

茲太子鼎

羌鼎

番君鼎

叔單鼎

郭季鼎

岑父鼎二器

唯叔鬲鼎

叔姬鼎

癸亥父巳鬲鼎二器

師觶鼎

正考父鼎

師旦鼎

南宮方鼎

季嬪鼎

仲偁父鼎

寔鼎

召父鼎

叔師父鼎

父己鬲鼎

君錫鼎

伯正父鼎

伯躬父鼎

史伯碩父鼎

康鼎

無專鼎

鬲攸父鼎

頌鼎

召鼎

乙亥鼎

積古齋鐘鼎彝器款識目錄卷五

周尊

亞尊

麥尊

虢叔尊

邑尊

啟尊

東門尊



甗尊

諸女尊

嘉禮尊

周卣

冊卣

旗單卣

番卣

甗卣

邑卣

鞞卣

寶用卣

門狝卣蓋

周壺

祖己壺

媯妊壺

伯壺

家德氏壺

周壺

官寶壺

頌壺

彭姬壺

史僕壺蓋

大壺蓋

周史賓鉞

周爵

木工爵

獸爵

叔臣爵

鳳爵

周尊

父癸尊

父舟尊三器

周觶

象觶

彭女觶

遽仲觶

周觚

招觚

手執中觚

周子變兕觥

周彝

伯彝

雞彝

尊彝

旅彝二器

伯彝

伯旅彝

仲明父彝

燕姬彝

婦舉彝

葵王彝

史自彝

田彝

伯爵彝

王伯彝

庚姬彝

遽伯曷彝

三家彝

臯伯彝

然虎彝

禽彝

寓彝

霸女彝

大保彝

印父彝

吳禾彝

白彝

向彝

司土彝

小臣繼彝

父丁彝

繼彝

虞彝

宄彝

吳彝

稽妃彝

中義彝

積古齋鐘鼎彝器款識目錄卷六

周敦

兕敦

伯敦

寶敦

伯尊敦

朕敦

伯司敦

晉妊敦

叔巢父敦

貞敦

兄光敦

司敦

邾季敦

虢姜敦

伯囧敦

兮仲敦

中離父敦

匭侯敦

邾遺敦二器

伯據敦

叔殷父敦

遣小子敦

長生敦

伯角父敦

豐兮回敦

魯伯大父敦

邳公子敦

師田父敦

豐媯敦

仲獻父敦

追敦

德敦

師遽敦

郟公敦

彙敦

召伯虎敦

卯敦

頌敦

綰綽眉壽敦

仲般父敦

師酉敦二器

仲駒父敦二器

父辛敦

祖辛敦

積古齋鐘鼎彝器款識目錄卷七

周簋

寶簋

吉父簋

畱君簋二器

伯其父簋

允簋

叔朕簋

張仲簋

曾伯鬯簋

陳逆簋

周簋

立簋

鬲叔興父簋

單子伯簋

曼龔父簋

魯侯簋

史燕簋

遲簋

甲午簋

天錫簋

格伯簋

周盃

允盃

冊父考盃

周甌

穀父甗

司甗

竟甗

鄭太師小子甗

周甗

齊甗

帛女甗

京姜甗

永宮甗

番妃甗

姬鋌母甗二器

王母甗

叔萇父甗

戲伯甗

鄭美伯甗

子甗

叔夫甗

周匜

諸女匜

姬單匜

周王子申盞蓋



積古齋鐘鼎彝器款識目錄卷八

周盤

寶盤

會中盤

品父盤

伯侯父盤

般仲盤

散氏盤

拍盤

寰盤

周齊侯甗

周戈

衛公孫呂戈

子永戈

高陽左戈

象形戈

宋戴公戈

羊子戈

邾戈

從戍戈

敵戈

夔戈

公戈

方寅戈

欒左軍戈

高陽戈

公戈

乙戈

周龍伯戟

周句兵

戈形句兵

象形句兵

周幼衣斧

周可伯槍

周吳季子之子劒

周距末

周刀秘

周削

周豐

積古齋鐘鼎彝器款識目錄卷九

秦器款識

秦權

秦斤

秦量

秦平陽封宮銅器

秦右軍戈

漢器款識

漢鐘

孔文父鐘

王長子鐘

漢鼎

陶陵鼎

好時鼎

承安宮鼎

汾陽侯鼎

孝成鼎

外黃鼎

銅鼎

日利千金鼎

漢司正鼎

漢鑪

齊安鑪

菑川太子鑪

陽泉使者舍熏鑪

漢壺

大官壺

杜陵壺

大吉壺

延光壺

更甲壺

嚴氏壺

千秋壺

漢千馬卣

漢洗

陽嘉洗

伏地洗

大吉昌洗

長宜子孫洗

宜侯洗

章和洗

中平洗

初平洗

永建洗

富昌洗

富貴昌洗

宜子孫洗

大吉羊洗

董昌洗

平陽侯洗

漢安魚鷺洗

大吉羊洗

雙魚富貴昌洗

吉羊洗

雙魚永建洗

漢注水匜

漢鐙

建昭鴈足鐙

龍虎鹿盧鐙

羊鐙

永元鴈足鐙

上林鐙

黃山鐙

林華觀行鐙

耿氏鐙

漢尚浴府金行燭盤

漢周陽侯獻

漢元延銅

積古齋鐘鼎彝器款識目錄卷十

漢弩機

宛仁弩機

建安弩機

右中郎將弩機

左尚方弩機

書言府弩機

漢戈

阿武戈

險字戈

晉左軍戈

漢劍

寶用劍

陽武劍

漢元嘉刀

漢建初銅尺

漢龍虎銅節

漢符

南郡銅虎符

新莽銅虎符

漢鑣斗

宜子孫鑣斗

八方鑣斗

元康鑣斗

漢鉤

丙午神鉤

丙午鉤

長宜君官鉤

長壽半鉤

丙午鉤

長宜子孫鉤

漢鈴

永平鈴

宜子鈴

漢宜子孫鐸



漢染楮

漢安昌車釭

新莽銅權二器

漢斗檢封

漢尚方銅器

漢宜子孫銅器

漢湯金銅器

漢吉利銅器

漢壽命昌銅器

漢內者樂臥銅器

魏器款識

魏太和鐘

魏正始鑪

魏景初帳構銅

晉器款識

晉泰始滲槃

晉永昌椎

晉太康釜

晉銅尺

弟亨梅叔姪祭少梅祚華甫初小仲校


積古齋鐘鼎彝器款識卷一

揚州阮氏編錄

商器款識

商鐘


董武鐘



戎起



動武鐘



用吳疆



口末

右董武鐘鉦間銘六字兩欒四字右欒第一字不可識此與下二器皆據宋王氏復齋鐘鼎款識搨本摹入冊內款識五十九種皆復齋所輯搨本中有畢良史牋識十五器乃秦燔之物此外周師旦鼎楚公鐘虢姜鼎亦一德格天閣中之物其餘數十種則朱敦儒劉炎張詔洪遵等人所藏其方城范氏古鐘及末葉楚公鐘乃石公弼所藏北宋搨本復齋得之續于冊後者也復齋名厚之字順伯諸暨人乾道三年進士歷官淮西通判改江東提刑直顯謨閣致仕見兩浙名賢錄復齋與朱子同列偽學之籍見慶元黨禁中興編年別有復齋碑錄已散佚宋陳思寶刻叢編引之去年元得此冊于吳門陸氏既加考釋摹刻矣今編是書亦并載入以有搨本可據也海鹽吳侃叔東發云動

古通董周禮春官大祝辨九擗四曰振動鄭大夫云動讀  
爲董書亦或爲董作鐘銘功故曰董武左昭十三年傳云  
董之以武師是也罇或釋作敷嘉定錢獻之地云古戎從  
甲秦繹山碑戎從十本古文甲字吳古虞宇此篆奇古  
是商初之器

鹿鐘



鹿象形

右鹿鐘左欒銘一字王氏復齋云舒州太湖縣取土得之

歸王崧壽家案鹿字從王氏釋鳴鹿得食呼其同類故詩雅有取焉此鐘以鹿爲銘殆燕饗所用之器與吳佩叔云古鹿字通彖彖卽祿也有田祿者始作彝器攷書大傳大麓之麓訓爲錄麓或作萊見周禮釋文知二字古通

旅鐘




口父作旅

右旅鐘銘四字剝蝕不可識者一字案爾雅釋詁旅陳也彝器凡言旅者皆臚陳之義此鐘甚小當是歌鐘左襄十一年傳云歌鐘二肆杜注肆列也縣鐘十六爲一肆此曰旅者蓋陳列之義

商鼎

冊冊父乙鼎



子冊  
孫冊  
父乙

右冊冊父乙鼎銘六字器爲元所藏子坐孫立作授物狀  
下作兩冊者紀君命也在禮有爵祿者始作祭器而爵祿  
之賜必受冊命故周器銘往往有王呼史冊命某某等語  
商人尚質但書冊字而已子爲父作則稱父以十干爲名  
字商人無貴賤皆同不必定爲君也或曰甲乙者宗廟作  
器之次弟


立戈父癸鼎



立戈形 父癸

右立戈父癸鼎銘三字據吳侃叔所藏搨本摹入案立戈以旌功也歛程易疇瑤田云古戈字下作巾者乃木柄有根之形

虎父丁鼎



亞形中虎 父丁



右虎父丁鼎銘四字器今在杭州王氏據仁和趙晉齋魏所藏搨本摹入案薛氏款識亦有此文字形與此微異或別是一器古器作亞形者甚多宋以來皆謂亞爲廟室錢獻之以爲亞乃古黻字兩已相背取黻冕相繼之義元謂黻與黼同爲畫績之形黼形象斧明矣兩已相背已何物耶蓋亞乃兩弓相背之形言兩已者譌也漢書韋賢傳師古注曰紱畫爲亞文亞古弗字也師古此說必有師傅經傳中彌佛弗每相通假音亦近轉說文彌解曰輔也重也輔者以輔戾弓之不正者卽考工記弓人之菱鄭注所謂弓檠是也重者二弓也說文弗字收于丿部解曰弗橋也從丿從彡從韋省元謂弗字明是從弓之字若從韋則不知所省無以下筆必有後人刪改之譌弗字明是兩弓相

背左右手相戾之義此會意之指也凡鐘鼎文作亞者乃以輔戾二弓之象正是古彌字亦卽是弗字黻字作器遺子孫當銘之以武作二弓在輔形者與執弓執戈矛族上立矢皆同一義若黻字乃繡亞于裳故從耑義又屬後起錢氏云黻冕相繼尚非初義也又古器每作虎形取服猛之義猶周官六彝之有虎彝也

申鼎



申作

寶鼎

右申鼎銘四字據上海趙太常秉冲摹本編入銘見薛氏

款識申乃作鼎者名也此申字有剝蝕凡銘文已見薛書

而其器尚存及有搨本可據者槩爲採入以古人作尊彝  
文同者不止一器而薛氏石刻款識曾見平湖朱右甫爲  
彌藏有殘帙一卷未見全冊其書輾轉臨摹甚多謬誤錄  
之可資考證也

成父癸鼎



成  
父癸

右成父癸鼎銘三字此銘與下四器皆據王氏款識搨本  
摹入復齋云此鼎孝宗皇帝賜洪邁亦見薛氏款識成字  
釋爲立戈形王俅嘯堂集古錄釋爲戈穿貝形皆非是吳

侃叔云攴古文成字抹準之象也平也一繩之象也直也  
○所以權之也權之而得之直卽得其平也考工記所謂  
可水可縣之象也凡物平則成故左文十八年傳地平天  
成注云成亦平也是也攴後省爲𠄎爲𠄎爲𠄎爲𠄎爲𠄎  
詩毛傳成平也凡二見鄭注周禮成平也凡六見爾雅釋  
詁平成也穀梁傳平者成也凡三見不觀此文莫窺其象  
而漢儒平成轉注有此詁訓可知經師相傳之義所由來  
者遠矣

兕父癸鼎




兕形 父

子執弓 癸

右兕父癸鼎銘四字案子執弓博古圖釋作孫執弓此從薛氏及復齋釋執弓者旌武功也作象形兕者詩小雅吉日云殪此大兕晉語云唐叔射兕於徒林執弓射兕取服猛之義也

伯申鼎




伯申作

寶彝

右伯申鼎銘五字亦見薛氏款識伯申作器者於經傳無可考彝者常器也器之總名

秉仲鼎



秉仲

右秉仲鼎銘四字案秉仲左右二文薛氏以爲析木形是也彝器多作此形未審何義說文解鼎字云易卦巽木於下者爲鼎象析木以炊也明以目下鼎字爲析木形矣又解片字云判木也從半木而無片部壯牀等字皆從片聲不應無此部戴氏六書故云片在良切李陽冰曰右爲片左爲片徐鍇曰說文無片部李妄也按唐本說文有片部張參五經文字亦有之李氏未可厚非據此知說文片字

義與片同合文爲鼎字從之今本似有闕文矣金壇段  
茂堂玉裁云著書者但當云反片爲月不得直云有闕文  
穆父丁鼎

穆作父丁

寶尊彝

右穆父丁鼎銘七字吳佩叔云穆非人名禮祭義君牽牲  
穆答君注穆子姓也公羊傳注子曰穆穆取其北面尚敬  
也

婦女鼎

帝女

彝

右婦女鼎銘三字此與下一器皆據趙晉齋所藏搨本摹  
入案薛氏款識有商帝女乙觚釋帝女爲箕帚之妾非是  
箕帚之妾乃謙辭非可以爲號也此帚字當是婦之省文  
禮天子諸侯有世婦士之妃曰婦人茲曰婦女上下皆可  
通也

父鼎

父口



右父鼎銘二字案父下一字不可辨或以爲君字或以爲庚字按其字形皆未可定當從闕疑

荷貝父丁鼎



子荷貝兩貫 父丁

右荷貝父丁鼎銘三字 元 手搨本案說文云古者貨貝而寶龜周而有泉至秦廢貝行錢商貨惟貝故作器誌貝尤多于周君錫貝必以作祭器紀寵命崇孝享也已作器必誌用貝之數重彝器也貫字古從兩貝從一見薛氏款識南宮中鼎及父乙獻聚兩貝而以一穿之是貫之義說文

母字从一橫貫母卽寶貨形則錢貝之貫从母貝亦重貝象也惟文稍變耳此作子荷貝兩貫所以著鑄器之重也  
立矛父辛鼎



犧形

立矛形

犧形

父

辛

右立矛父辛鼎銘五字此與下二器皆據趙晉齋所藏搨本摹入案說文所載古文从戈之矛字與此略同此省戈立矛形與立戈形竝取旌武之義作犧形者著其爲祭器也

阜禾鼎




亞形中

自形  
禾形

右阜禾鼎銘三字案斗古自字說文睦字籀文作𠄎彝器  
 銘𠄎𠄎等字皆从巨此爲自字無疑通作阜詩天保云如  
 山如阜所以祝壽考也阜有高厚盛大之義作器以貽子  
 孫爲頌禱焉禾所以養人也薛氏款識有禾父己鼎說文  
 禾字从木从叒省叒象其穗此正作穗叒之象是禾形也

亞守鼎



亞形  
守

右亞室鼎銘二字案亞下作守取世守先烈之義

亞室父癸鼎



亞形中召夫 室形



父 癸 家



刊 桓形

右亞室父癸鼎銘九字據舊藏摹本編入案此與下一器  
卽薛氏款識所謂冊命鼎也此無冊命二字亞中二字薛  
釋作召夫此召字微異可以意通也室廟室也卪乃桓形  
周禮大宗伯公執桓圭注云雙植謂之桓桓宮室之象所

以安其上也桓圭蓋亦以桓爲瑑飾此正作雙植是桓楹之象刊有剗治之訓見儀禮士喪禮注穀梁莊二十四年傳云天子之桷斲之斲之加密石焉諸侯斲之斲之大夫斲之此云刊桓是楹亦當斲治也召夫爲父癸廟室刊桓因作彝器卿大夫稱家其大夫之器與

冊命父癸鼎



亞形中召夫室形  
父家刊桓形



冊命

右冊命父癸鼎銘十一字  
元手搨本案此銘與薛書冊命鼎同篆文差小別是一器或謂前器亞中是見一字此器

是且見二字且古文祖始也子始見于父廟而作器也其說未可遽定姑從舊釋

母乙鼎

唯乙已作母乙

尊鼎萬年

子二孫二永寶用

右母乙鼎銘十七字闕里孔農部尚任所藏據舊藏摹本

編入


戊寅父丁鼎



戊寅王月喪



口見耐錫



貝用作父丁



尊 亞形中架構形

右戊寅父丁鼎銘十八字不可識者一字摩滅之字蓋彝字也器爲元所藏四足而方趙晉齋以爲周鼎按其文甚奇古是商器也吳侃叔云王月喪讀爲王闕喪說文月闕也白虎通月之爲言闕也喪字薛氏款識穆公鼎作𠄎寅簋作𠄎與此正同特文有繁省耳闕喪者闕喪也喪下一字侃叔以爲隋字古齊字作𠄎此作𠄎者象臍之形隋者

升也案此字是作器者名或釋作墜亦未可定耐說文云三重醇酒也从酉从時省明堂月令孟秋天子飲耐漢書景帝紀高廟耐注云耐三重釀醇酒也張晏云正月旦作酒八月成名曰耐此耐字从酉从彡彡者三也古三字有作彡者見摭古遺文取三重酒之義故从彡後世从彡之字或从寸如說文彤字或作耐是其證許氏耐字下解云諸法度字从寸是古文取三重酒之義故从彡後世以耐爲法酒故从寸也時當飲耐進見于王故曰見耐古飲耐之禮天子與羣臣以禮樂飲之於朝左傳所謂見于嘗耐卽此禮嘗耐在涖梁之明年正晉平公闋喪時也架構形者取世守堂構之義

庚午父乙鼎



本一王命口口辰

相北田四品之一夕作

冊友史錫賴只

用作父乙尊鼎冊

庚午王命口口辰

相北田四品之一夕作

冊友史錫賴只

用作父乙尊鼎冊

右庚午父乙鼎銘三十字摩滅者二字據錢唐陳秋堂豫

鍾所藏搨本摹入案博古圖及薛氏款識並有此銘摩滅

之二字彼釋為寢廟辰當是作器者名王發命于寢廟辰

為右相也舊釋相為見非是薛氏云房星為辰田候也辰

見則農當舉趾故命以北田四品所以授民時其說未當

田是田邑之田不當云四品四品者田狩獲禽之數也易

巽六四田獲三品虞翻注謂艮為狼坎為豕艮二之初離

為雉故獲三品矣翟元注田獲三品下三爻也謂初巽為

雞二兌爲羊三離雉也是三品卽三禽也此云四品義同  
北田者田于北郊也品下之字甚明舊釋作十一二字夕  
舊誤作月今皆更正北田四品之一夕紀時也辰有傅王  
之事得禽之功故錫以賴貝賴贏也作冊友史作冊內史  
也書酒誥曰內史友周官內史掌王八枋之法七曰子凡  
命諸侯及孤卿大夫則策命之錫貝所以馭其幸也爲王  
作策命故曰作冊友史鼎字薛書象形鼎作非此卽其上  
形而倒之省非旁作關扁之形是鼎字也

宥父辛鼎

宥父辛

宥作父辛

尊彝

亞形中

弓形

矢形

右宥父辛鼎銘九字據趙謙士太常摹本編入案宥非人名古文宥作侑見儀禮注詩楚茨云以妥以侑儀禮特牲饋食禮云尸三飯告飽祝侑鄭注侑勸也此廟中侑食之器弓矢所以旌武功或曰先人所用器謹世守也

旂鼎

唯八月初吉

辰在乙卯公錫

旂僕旂用作

文父日乙寶

尊彝析木形子孫

右旂鼎銘二十六字據揚州江秋史侍御

德量

摹本參以


趙謙士太常摹本編入案旂作器者之名也禮天子於有功諸侯賜以僕正虎賁僕習騎射者左傳所謂紀綱之僕漢律所謂疇官此云公錫旂僕乃諸侯所以錫大夫也薛書高克尊銘曰錫伯克僕山夫山讀爲卅三十夫也文父尊稱非諡詩江漢告于文人傳云文人文德之人也左哀二年傳衛大子禱曰文祖襄公是文祖文父亦猶皇祖烈考古諸侯大夫皆得以稱其先人日乙者商人以生日爲名字商之先有上甲微史記索隱曰皇甫謐云微字上甲其母以甲日生故也商家生子以日爲名蓋自微始譙周以爲死稱廟主曰甲也案此曰日乙他器有曰日庚日辛者竝廟主之稱或以爲祭日者非是祭日必卜非有定也

馭鼎蓋



董山馭鼎作父

乙寶尊彝

右馭鼎蓋銘十字蓋爲元所藏案董山地不可考或釋作衡山說文古衡字作形與此相近馭說文以爲古賢字漢國三老袁良碑文優賢之寵賢正作馭鼎字通祝說文解鼎字云呼雞重言之从屮州聲讀若祝案列仙傳有祝雞公說文又云祝一曰从兌省易曰兌爲口爲巫此則二口之下作四直形而不作州字有从兌遺意較从州得聲爲更古矣說文解巫字云祝也王逸楚辭注男巫曰祝

禮曲禮商官六大有祝無巫知商人尊神巫祝合爲一職也作器者古銘或係以國或係以氏無稱山者此曰堇山賢祝意古巫每居山故水經注云鹽水逕巫咸山北海外西經云巫咸國在女丑北右手操青蛇左手操赤蛇在登葆山大荒西經云大荒之中有靈山巫咸巫卽巫盼巫彭巫姑巫眞巫禮巫抵巫謝巫羅十巫從此升降百藥爰在蓋巫通鬼神山爲積高神明之區神巫所遊故山以得名此銘堇山旼祝必神巫也書君奭云在祖乙時則有若巫賢孔傳云賢咸子巫氏說文云巫咸初作巫君奭巫咸又王家馬注云殷巫巫賢蓋嗣職爲巫孔傳訓巫爲氏者古官有世功則有官族如晉中行氏之類亦通銘云旼祝或卽巫賢所作器以祀其父者與


商尊

象形父丁尊



著尊形 父丁

右象形父丁尊銘三字此與下一器皆據陳秋堂所藏搨本摹入案象形之文有口有頸腹著雷同紋與博古圖著尊形相似周禮司尊彝朝獻所用司農以爲著略尊禮明堂位云著殷尊也注云著地無足此尊底無足是著尊也持勺父癸尊



蓋 手持勺形 父癸



器 釋同

右持勺父癸尊蓋器銘各三字案又爲手形說文云又手也象形三指者手之劉多略不過三也禮明堂位灌尊有勺夏后氏以龍勺殷以疏勺周以蒲勺考工記梓人云勺一升儀禮士冠禮注云勺尊升所以斟酒也此勺形有頭有口曲中而柄長合乎禮圖勺以注酒于尊又挹取之以實爵角祭禮重灌故作手持勺斟酒形示敬也

立鉞尊



立鉞形



右立鉞尊銘一字據舊藏摹本編入案立鉞所以旌武功  
字本作戊說文云戊斧也从戈ㄥ聲司馬法曰殷執白戊  
撫古遺文右文戊作帛與此正同戊字从戈其柯長與戈  
秘相等書牧誓曰王左杖黃鉞正義引六韜云大柯斧重  
八斤一名天鉞此鉞形柯秘甚大足徵古制矣

山形父壬尊




山形 父壬

右山形父壬尊銘三字元手搨本案禮明堂位山巒夏尊  
周禮司尊彝追享朝享再獻用兩山尊注云山巒刻而畫  
之爲山雲之形尊銘作山形其山巒之遺制與說文云山

宣也宣氣散生萬物古微書引春秋說題辭云山之爲言  
宣也含澤布氣調五行也山所以宣雲氣尊所以宣鬱鬯  
之氣馨香上達鬼神是歆故有取焉壬作工者省文嘗見  
媿妊安壺器銘妊字蓋作如知工爲壬省文也

立戈父辛尊



立戈形 弛弓形 父辛

右立戈父辛尊銘四字據舊藏摹本編入案戈下作弛弓  
形所以著偃武之義弓中作○象弣之形禮曲禮左手承  
弣注云弣把中也釋名云弓中央曰弣弣撫也人所撫持  
也

父己尊



父己

右父己尊銘二字此與下三器皆據趙謙士太常摹本編

入


叔父辛尊



叔父辛

右叔父辛尊銘三字案薛氏款識有孟祖辛彝此曰叔父辛孟叔皆字也叔爲父辛作器也

子孫父戊尊



蓋

子孫  
戊父



器

釋同

右子孫父戊尊蓋器銘各四字案孫字象胚胎形

亞形父丁尊



亞形中兩手奉貞形立子形父丁

右亞形父丁尊銘五字案西卽提梁卣之象形西之古文  
 兩手奉之合形爲尊宗廟祭器必兩手奉而奠之故尊字  
 从収収竦手也尊彝爲祭器之總名鼎曰尊鼎敦曰尊敦  
 竝取此義矛形下作冂者象斲之形禮曲禮進戈者前其  
 樽進矛戟者前其斲注云銳底曰樽平底曰斲廣川書跋  
 引字林云斲平底也觀此矛斲形爲歧足可平植于地足  
 證平底之制矣

西宮父甲尊



亞形中

兩手奉器形

西宮形倒文  
 父甲

右西宮父甲尊銘六字據江秋史侍御摹本編入案古器銘每有倒文如薛書辛父舉卣舉爵作入是倒文也此宮形見薛書內言卣銘所異者彼文不倒耳明是宮室之象薛氏釋作言非也宗廟之次左昭右穆西宮者穆廟也

己祖乙尊



己祖乙

右己祖乙尊銘三字據趙晉齋所藏搨本摹入晉齋云此尊四戟四山腹足俱夔龍文間以雷文制甚華美案己祖乙者己爲作器者名乙爲祖廟主號也或曰己乙者紀器

之數宗廟器多十干紀之不盡則錯互以爲紀如甲則有  
甲甲甲乙以至甲癸自乙以下皆然故薛氏款識有戊丁  
爵已丁敦其說亦通

子執弓尊



亞形中子執弛弓形 立戈形

右子執弓尊銘三字 元 手搨本案子執弛弓取守文偃武  
之義古銘立戈形內之末每作三垂文疑古制必有物下  
垂以爲飾如旌旗之有旒以今所得古戈驗之內末皆有  
圓空去秘甚遠別無所用殆鑿穿以懸此飾與

隳尊




隳作寶

尊彝

右隳尊銘五字據海寧陳仲魚鱣摹本編入薛氏款識商彝亦有此文案隳同嶽山形故从自此當讀爲獻人名也或曰朝獻饋獻之器

冊父乙尊



冊 班作父乙

戈在櫝形 寶尊彝



右冊父乙尊銘九字嘉興張叔未廷濟所藏器據搨本摹

入案戈在櫝卽禮少儀所謂戈有刃者櫝也著之彝器所

以謹世守且示偃武弗用之義班从珎說文以爲分瑞玉

也此从竝者班古文作辨儀禮士虞禮云明日以其班耐

注云古文班或爲辨辨氏姓或然今文爲胖漢書王莽傳

集注引孟康云辨或作班布也班字亦作辨見文選西京

賦證以此銘知辨爲古班字繁文而从珎之字又其後起

經史班辨同字益昭然矣

耐父乙尊



亞形中格上三形  
貞形

耐作父

乙尊彝

右酌父乙尊銘九字

元

手搨本案古銘覓字舊釋以為格

上三矢此有剝蝕案其形殊未確然無以易其說始從之  
卣象形有提梁或釋作尊形卣中尊也亦通酌非人名因  
飲酌而作祭器故曰酌作古人銘器初無達例也

王主父丁尊



蓋

王主曰攸田龍虺虎二  
作父丁尊舛



器

釋同

右王主父丁尊蓋器銘各十四字元手搨本案主爲公卿大夫之通稱此曰王主是天子也攸田謂所田狩之地讎說文解爲飛龍籀文讎字从之小篆省作讎讀若愒文選東都賦云莫不陸讐水慄注引說文曰讐失氣也六書精蘊云讎震怖也是讎之義與讐同矣虓說文云虎怒也詩當武云進厥虎臣闕如虓虎傳云虎之自怒虓然則虓虎猶虓虎也王主於田獵之所讐服二虓虎神武丕昭用作彝器崇孝享焉舂卽班字禮王制名山大澤不以舂古从舟之字隸每省从月舂字當卽般之異文分也禮王子弟出封得立其祖王之廟逸書分器序云武王旣勝般邦諸侯班宗彝此銘曰舂謂般之同姓諸侯俾作重器以鎮撫其社稷禮之經也

刊宮尊

名 刊宮

□□□ 俗刊宮

丙

丙 刊宮

丙□□ 錫二秉二甄

用


價

用作父口尊彝

右刊宮尊銘可辨者十四字據陳仲魚摹本編入案俗字見揚子方言義同格至也秉論語馬注云十六斛儀禮聘禮記云十六斗曰簋十簋曰秉甄說文云種也从耂夙持而種之詩曰我甄黍稷是甄當釋爲先種早種之種此云錫二秉二甄案其文義當是粟米二種此甄字應釋爲春獻種之種矣種有二義豈古甄字亦兼二義與君有錫予而作器紀寵命也

商彝

重屋父丁彝



重屋形 父丁

右重屋父丁彝銘三字據陳秋堂所藏搨本摹入案考工記殷人重屋之制四阿重屋此正重檐複竿之象形

東彝



東彝



父丁

右東彝銘四字江寧司馬達夫直所藏器據搨本摹入江秋史侍御有此摹本釋東爲東案搨本東中明有點當釋

爲東東字有作東者見汗簡所引義雲章東字从東知古  
東作東也東練之省禮曾子問云主人練祭而不旅此曰  
東彝是練祭之器彝象形之字也

百丁彝



蓋



器

右百丁彝蓋器二銘據趙晉齋所藏搨本摹入銘文奇古  
不可識晉齋云此關中友人搨寄者名曰百丁據器制也

亞爵父丁彝



亞形中爵形矢形

丁 父

右亞爵父丁彝銘五字據趙謙士太常摹本參江秋史侍御摹本編入侍御曰鳥下倒矢蓋田後獻禽之意元謂亞為兩弓相背中置矢鏃旌武功也說文嚴字解云象嚴之形此正作雀形鬱鬯之酒先實於彝而斟以入爵此彝而作爵形明其用也

父辛彝



父辛

右父辛彝銘二字器爲元所藏

子執旂彝



子執旂

右子執旂彝銘一字據趙晉齋所藏揚本摹入晉齋云此器舊名蚩尤六戟彝據器制也周禮司勳云凡有功者銘書于王之太常子執旂者重守前勳也或曰旂當作𠂔說文解𠂔字云旌旗之游𠂔窾之兒从中曲而下垂𠂔相出入也以子執𠂔爲銘取偃武之義亦通

父丁彝



父丁



右父丁彝銘二字此與下二器皆據元舊藏摹本編入  
立戈父丁彝



立戈形 父丁

右立戈父丁彝銘三字

執刀父丁彝



手執刀形 父  
立戈形 丁

右執刀父丁彝銘四字案祭禮孝子親割禮祭統云君執鸞刀羞齊祭義云鸞刀以割取脾膾手執刀者所以割牲也

雙矢彝



雙矢在架形

右雙矢彝銘一字此與下一器皆據陳秋堂所藏揚本摹入案雙矢所以旌武功吳侃叔以爲矢鏃聯屬取合族之義說詳後雙矢父己爵

史彝




史

右史彝銘一字案薛氏款識有史卣文與此同作器者蓋

史官或以史爲氏族所謂官族是也

子荷貝父乙彝



子荷貝兩貫形 父乙

右子荷貝父乙彝銘三字據趙晉齋所藏揚本摹入亦見江秋史侍御摹本侍御云貝兩貫卽古文拜拜之義

析父甲彝



析木形 孫子 父甲

右析父甲彝銘五字據陳仲魚摹本編入亦見趙太常摹

本仲魚云孫在子前者詩云施于孫子又云詒孫子古人蓋隨稱之也

主父乙彝



子侯形主  
乙父

右主父乙彝銘五字據江秋史侍御摹本編入侍御云个象射侯張布中作丿棲皮也△象矢鏃人矢筈歧末也案古者天子將祭必先習射射中得與於祭此子爲父乙廟主作祭器而著侯形明以射選與祭者也侍御之說是矣吳佩叔云个廟室形丿曲形象廟之曲久矢形族之省文廟中所以合族也案是說亦通竝錄之

祖己彝

止  
且  
己

作祖己

頤  
本  
彝

尊彝

右祖己彝銘五字此與下四器皆據趙謙士太常摹本編入案彝字形甚奇古創見此器

寶彝

山  
寶

作寶

寶  
彝

尊彝

右寶彝銘四字案作字反書古文向背不拘一定也

立戟父戊彝

作父戊

旅彝 立戟形

右立戟父戊彝銘六字案說文云戈平頭戟也戟有枝兵也此戟字兩旁有枝中有鋒冒出平頭觀其文可知其器書顧命鄭注所謂三鋒矛者或卽此戟與


日庚父癸彝

日庚作父癸

寶尊彝

右日庚父癸彝銘八字案日字見郭忠恕汗簡出華岳碑  
象日輝四射形庚作器者以生日爲名也

雙爵母戊彝



爵形  
母戊彝

右雙爵母戊彝銘八字案邠字見薛氏款識周晉姜鼎此  
有闕泐邠作器者氏與名也作二爵形者儀禮特牲饋  
食禮云主人更爵酌醕禮祭統云酢必易爵明夫婦之別  
也此祭器取夫婦相酢之禮故作二爵形也

作父辛彝



作父辛

尊彝

右作父辛彝銘五字此與下五器皆據趙晉齋所藏搨本

摹八

冊冊父乙彝



矢鏃形冊冊父乙

右冊冊父乙彝銘五字



父癸宗彝

口作父癸宗

尊彝 子執弓

右父癸宗彝銘八字案首一字不可識疑是医字古文籀  
通甫然未可定姑闕疑祭器稱宗書所謂宗彝是也

表彝

表作乃

考寶尊

彝日辛

右裏彝銘可辨者九字案裏作器者名

雕伯癸彝

析木形孫子 雕伯

癸寶尊彝

右雕伯癸彝銘九字案說文云佳鳥之短尾總名也象形  
雕斲也从佳周聲此雕字雖剝蝕而外作鳥形中有積畫  
隱隱可辨與薛氏款識夏瑀戈瑀字相類是雕字也雕作  
器者氏或國名伯之爲爵爲字亦未可定此銘篆體甚古  
彝字尤爲殊異

好父辛彝




冊子

立戈形單

冊子

尊彝

好作父  
辛

右好父辛彝銘十二字案古好字从女从丑此作器者名薛氏款識有單父丁彝釋立戈形爲子夾單字兩旁者爲孫非是兩子夾單卽子執旂之義單字作象三辰之形左桓二年傳三辰旂旗昭其明也三辰日月星說文示字三垂取象日月星祈字从之古文祈从𠄎从單通旂是單卽旂上三辰形也義亦同示說文云觀乎天文以察時變示神事也祭所以事神神示所在子夾侍之敬之至也

立矢父戊彝



口作父戊尊彝




子孫其永寶 立矢上重弓形

右立矢父戊彝銘十二字此與下二器皆元手搨本案首

一字闕泐不可識

叔彝二器



叔作寶彝



釋同

右叔彝二器銘各四字

商卣

冊卣

冊

右冊卣銘一字此與下五器皆據王氏款識宋搨本摹入  
案冊卣見薛氏款識與此不同別是一器  
舉己卣二器


舉己



釋同

右舉已卣二器銘各二字古器銘夙字舊釋爲舉錢獻之以爲鬲字案舉飲酒也訓見儀禮特牲饋食禮注故古人爵解卣等器每以舉字銘之古文舉形象鬲薛氏款識父已舉釋云按集韻鬲音舉支鬲也林乃舉省耳案說文鬲所以枝鬲者從夨省鬲省徐音渠容切六書故引說文作支鬲支訓爲持義與舉同鬲舉二字形亦相近攷齊侯罇鐘銘格字正似鬲字爾雅釋訓格格舉也知丁度此音必有師說古舉字正從鬲但形有繁省耳

父已卣



卣形 父己

右父己卣銘三字案說文無卣字解酉字云就也八月黍成可以釀酒象古文酉之形此正古提梁卣之象形也

父辛卣




作父辛彝



析木形孫子

右父辛卣銘七字案此銘見薛氏款識彼器則彝也

父丁卣



□作父丁

尊彝 子孫足跡

右父丁卣銘八字首一字剝蝕不可識案孫足跡者繩武也詩下武云繩其祖武傳云繩戒武迹箋云戒慎其祖考所履踐之迹此銘孫在子下係以足武故王氏釋爲孫承子足跡錢獻之云古器有作足跡形者說文云止下基也象草木出有址故以止爲足取子孫基址相承之義也

虎父戊卣



蓋 虎形 子作父戊尊彝





器  
釋同

右虎父戊卣蓋器銘各七字元所藏

山卣



蓋 山形 卣形



器 釋同

右山卣蓋器銘各二字據江秋史侍御摹本編入

亞卣



盃 亞形中

其 卣形  
格上三矢形



器 釋同

右亞卣盃器銘各四字器銘蝕一字據趙晉齋所藏搨本  
摹入案卣形及其字舊釋作尊其二字博古圖錄引列子  
綦衛之箭以綦爲國名殊未確卣形卽酉字其通卣說文  
云卣下基也薦物之卣象形讀若箕同此銘上爲酉下爲  
其置酒于卣上所以尊也二文合卽爲尊字又說文解尊

字云置祭也从會會酒也下其丌也是可證矣格上三矢  
 從舊釋或曰此堂構形說文葺字上形與此相類有堂構  
 而後可設尊丌故詩曰自堂徂基義亦可通

丁琥卣



蓋

作丁琥尊

彝子孫



器

釋同

右丁琥卣蓋器銘各七字元手搨本案琥字作虎形旁加玉形甚奇古或曰此卽寶字說文古文保字作采从子寶古通保故此作子坐形兩手奉玉寶之義也其說亦可通然案器銘虎首與虎父戊卣銘同故定爲琥字

舉父己卣

舉 父己

右舉父己卣銘三字器在湖州據搨本摹入案舉字與薛氏款識己舉爵舉字同飲酒謂之舉卣爲中尊故以銘之不特爵觶有是名也或曰古甲字有作卣者此其倒文亦通

子執刀祖乙卣

子執刀

蓋

乙 祖 作 子執刀

器

釋同

咎父癸卣

右子執刀祖乙卣蓋器銘各四字元手揚本




咎作父癸

寶尊彝

用旅車

右咎父癸卣銘十字此與下一器皆據趙晉齋所藏搨本  
摹入案咎人名說文云咎災也从人从各各者相違也此  
所異者从人从舛从口舛者反相背相違之意愈顯此  
古文之僅存者彝器多以旅車爲名禮儀象不出門而古  
者師行奉宗廟主與社主載以齋車每舍必有饋奠之事  
見周禮小宗伯及禮曾子問祭器不可踰竟故別作尊彝  
陳之主車示敬也此曰用旅車言用以臚列主車之器也

丁師卣



子錫獻卣

蓋

口口一獻卣

用作丁師彝

子錫獻雷

子錫獻雷

子錫獻雷

器 珩圓形一獻雷

用止

用作丁師彝

右丁師卣蓋器銘各十四字蓋銘摩滅二字案子者君之  
爵也獻汗簡以為且字出王庶子碑且祖之省商臣有祖  
伊祖己雷字字書所無以聲求之疑卽震字然未可定此  
作器者名圓形當是古珠字珩珠一者珩一珠一也珩美  
玉爾雅所謂醫無閭之珣珩琪周書所謂夷玉也古者珠  
玉為上幣故用作尊彝紀君寵錫丁其祖考之字師官名  
也

